

建昌府志卷四十五

人物傳九

鄧玉 族叔鼎

賴仰山 族弟有懷

魏菁 父復禮

鄧一舉 子兆清兆洪

張宏 張治功 趙與明

梅遇 鄧觀 涂光祚 孔鼎 謝文海

邵睿明 李募林 弟芸林 章慥 吳象鼎

黃運昌 陶賢受 王師夔 張世經 張世緯

鄧昊 涂斯皇 楊居曾 弟居梓等 吳之瑜 弟之

江雁卿 余光令 劉吉 唐惟顯 俞一經 子誦

傅大業 父邦教 黃汝榜 白朝宁 父天球

石珂 揭烟 涂酉 曾有孚 黃作牧

建昌府志

卷四十五

人物傳九

黃亨會 弟光會

趙師賓 子希傲

陳允衡

曾秉豫 魏定化 吳學炯 饒萬民 魏能容

王尊 子錫申 鄒昌祺 楊國魁 賴封 濬

趙師璟 子希陸 楊日升 楊日鼎 子魯小秦

趙由怀 余彥章 崔宇廣 魏宗衡 謝熙 黃理

孔之儁 涂景祚 黃熙 子國堊 甘京 義舉

曾日都 封俊 李其聰 盧夔龍 潘琦

梁份 曾若武謝進 黃采 汪瑤 潘岱登

涂大雋

建昌府志卷四十五

人物傳九

國朝

鄧玉字元白新城人明崇禎選貢少究心王陽明學有幹畧  
 明季亂邑無賴聚眾掠財帛為患玉結勇士禦之戰有期  
 佯疾卧令師巫為禱賊偵於少懈出不意先期搗其巢織  
 焉邑賴以安當事嘉其才勸之仕不聽偕父母妻子隱赤  
 溪自號南村主人與族叔鄧鼎等結南村社觴咏往還鼎  
 字九公順治貢生嘗師事黃端伯工詩文有才名縣志  
 賴仰山字有慧廣昌人沈毅有勇力順治乙酉丙戌間關羅  
 總踞廣昌四出剽掠仰山合眾保聚賊擁數百人抵石峽

建昌府志

卷四十五

人物傳九

將夜襲仰山陰率百餘人從間道抄出賊後命族弟有懷  
 率數百人攻其前賊大潰由是賊耳仰山名輒紆道避之  
 戊子流賊復入境鄉勇環集有懷傾貲供數百人食復懸  
 賞待有功仰山為區置散給合境肅然有懷名宏圖郡庠

生肝源  
備紀

魏菁字明之廣昌人父復禮家素封好施與里人利賴之菁  
 明末以諸生貢南雍授中書敕往饒州清稽淮藩子孫值  
 世變掛冠而歸避亂水斗砦歲丁亥族孽通賊將為變殺  
 族中數輩守將杜承芳被檄進圍聲言且屠砦賊聞迫逸  
 去菁與承芳素善踉蹌往謁之承芳授以令箭曰砦即破  
 可無虞菁慨然曰菁非為一家來也宗黨戚屬皆良民彼

無辜就殲而菁一家獨全誠不忍箭不願受也承其遺志  
動然其下皆利砮破勸攻益急度弗能止乃破產得  
爲承芳壽曰此父老所獻敢以二事請願得不淫不殺  
以三百金賂其左右乃許之藉以全者千餘家又嘗捐貲  
修小可山以庇其鄉人時芙蓉冠石二砮相繼殘毀而是  
山獨無恙然家業自此陵替矣初母易孺人構懷會亭於  
孔道兼造橋以濟計費二千金有奇而菁於族之貧者月  
授以穀又約諸豪家各出粟倣古常平例以贍無告監軍  
揭重熙辟邵武推官不就日與諸名流飲酒賦詩晚攻岐  
黃術卒七十有四以子方泰貴贈太常寺卿

志銘墓

鄧一舉字薦卿南豐諸生少師綏安朱廣得理學之傳舉動

建昌府志

卷四十五

人物傳九

一式於禮內外肅穆子孫不衣冠不敢見家多藏書披吟  
殆遍分肌劈理洞達本原而一歸於有用遭世亂旦夕與  
同志籌畫兵餉團練守禦之法甲申三月燕聞至統屋號  
咷一哭而仆移卧於地苦塊如居父母喪性愛書所臨摹  
人皆寶秘嘗製書法論中興頌跋文意甚奧時罕識者惟  
易堂林時益見而賞之所與交皆當世名流啟口不忘規  
勸遇危急雖貧必竭顛踣困躓弗惜甘京稱其交誼當於  
古人求非近代所有也年九十以隱終著述甚富今存者  
繡椿堂集六卷子兆清兆漢皆文學清著有詩稿

湯惕菴墓表

張宏字津侯南城人明諸生深於春秋學著麟經集成操履  
篤摯事祖母及繼母並以孝聞順治乙酉父卿雲爲兵所

執三砍其項宏引頸代死兵拽之去宏膝行哀請還抱父  
項以灰拭創處兵怒砍宏胸宏仍拊父創處不置吟絕命  
辭曰一息尚存摩父頸九原無路報親恩須臾氣絕父得  
復生闔邑士子以死事上之學使者得祠祀

縣志

張治功字維銳南豐人主事鳳圖次子鳳圖爲紹興推官有  
惠政其後浙人官湖東者下車必問治功治功屏山居不  
一見嘗至世賢鄉見蟠龍山高削不可躋乃鑿石開磴鉤  
援以上躍然喜曰斯可以閉戶遠塵矣於是刪荆棘構茅  
齋誦讀其間甲申後遂棄舉業攜家走蟠龍隱焉生平孝  
友母余氏孀居三十餘年與兄治經承順靡違嘗急人之  
難順治丁亥歲疫斗穀千錢殷戶皆閉糶道殣相望治功

建昌府志

卷四十五

人物傳九

三

與舅余光輝各以穀貸與鄉鄰而蠲其息士論多之

內省齋集近志

趙與明字錫良南城人順治丙戌鄉舉任河南通許令在任  
以清正聞有豪家子孫某賫多金求冠童子軍與明於旁  
後出所賚金示衆曰孫文本佳以投金更置令學宮分其  
金給貧士置義田興學校文風丕振盱南河水勢衝決民  
居與明捐俸命子歸築堤里人德之稱爲趙家堤官通許

八年卒於任

縣志

梅遇字品章南城人順治丙戌舉人初諭奉新土寇突發攻  
城令皇遽失措遇代督民兵登陴固守飛礮及左右傷數  
人不爲懼寇又挾邪術翼兩笠飛登女牆遇麾卒斬之寇  
退城獲全擢陝西郿縣令郿自明季兵燹田半荒蕪

國初設官與屯招墾胥吏乘間誣報通賦日多遇力請上官  
奏減之鄆西北境多石田遇相度地勢於邑東南引古橫  
渠屈流四十里繞西北入渭由是田盡成沃壤更設義倉  
建文廟士民咸沐其德歷官叙永同知致政卒

省志

鄧觀字我生南豐人早餽於庠試輒先其曹而偃蹇不遇崇  
禎壬午試畢嘆曰文氣如此國祚其弗永乎遂絕意進取  
觀有經世之畧遭世亂不獲用益日夜思有以濟人人窮  
極無可奈何遇觀則無不立解晚與同邑李萼林善萼林  
主其家數十年以至於死客既衆爨婢厭之觀立遣婢闍  
羅總潰自撫州擄掠甚於他寇將至觀所居漿源觀具壺  
漿勞之曰將軍良苦然顧名思義宜有以自緝羅總故久

述昌府志

卷四十五

人物傳九

四

稔觀名聽其言心折暴爲之緝當兵戈擾攘間田多不墾  
觀獨備牛種課農人力南畝曰凶年者兵之繼也已而果  
然陽石寇起禍震於鄰觀避地田西乃結連南豐東南鄉  
勇爲長闢教以兵法使人自爲戰一方寇至四方各拒險  
策應寇不敢入關中民通有無時緩急吊死問喪遂成風  
俗會海上奏捷陽石賊詐降踞險窺伺益密太吏以兵禍  
連結頗事招撫觀貽黃熙書曰此所爲養虎自貽患也熙  
用其策言於當事賊竟平觀於書無所不窺而得力在於  
易諸技能莫不解而醫學爲精年九十無疾而逝所著書  
十種曰寒號集又有濟生易簡六十四卷子兆漢博學工

醫世其家

省志

許光祚字元暉新城人庠生世延長治丙戌父大申爲兵所  
執將殺之光祚馳救號泣願代以自其父而死縣志

孔鼎字正叔新城人明諸生築室須眉峯下研探易傳史鑑  
天官地理岐黃吐納之學日與故舊放跡山水間吟咏自  
適易堂魏禧授徒新城鼎爲書數百言通之已更徒步五  
十里就見禧時年六十有七長禧以倍加五歲齒序兄弟  
而心竊奉爲嚴師生平嚴介諤諤氣所凌厲一切之  
槩

謝文潯字秋水南豐人明諸生後建堂於邑治之西程山與  
同里李萼林邵睿明講學其中遠近人多師之其學以道  
其行忠恕其言辭質厚中肯綮著書甚富行世者講義

建昌府志

卷四十五

人物傳九

五

十篇日錄大學中庸切已錄程山十則程山問答省志

邵睿明字先士南豐人明諸生少穎異留心小學性理諸書  
及長刻意勵行傾產脫兄難出力脫人非罪雖素不遜於  
已弗訐也後山居講學不立門戶以爲道本至公豈容自  
私以成狹小遂自號宏齋文潯進之以毅睿明應聲曰惟  
其不宏是以不毅先後受業者至百許人多博通宏遠士  
而梁份汪瑤其最著者縣志

李萼林字仲闇號深齋南豐人偕弟芸林俱明諸生規言矩  
行若父喪三年骨立侍母小大必稟命植義濟人至傾千  
金產不顧常徒步百餘里以訪人收遺書爲急務  
章隄字顧之南城人原名其蘊字自明諸生自少卓犖不

羣肆力於問學凡經史百家之書蒐羅剔抉務識其大者  
十九志立德爲千古人隱居華子岡灌園養母嘗至南豐  
與謝約齋講學程山有針芥之投母喪哀毀嘔血廬墓終  
制得疾劇甚值母忌日力疾展屏返席未安而卒生平恭  
謹和易人或譁浪於傍若未嘗見人亦無敢以非義干者  
間作詩古文援筆立就所著有二十一史童觀集閱史偶  
談及小論若干卷

省志

吳象鼎字玉鋈南城庠生年十三明季亂祖叔祖暨父俱爲  
逆佃舒新所殺象鼎匿田中逃脫矢志報仇時平泣控當  
道而舒新計充四府訪兵司李善其膂力曲爲援赦象鼎  
偵知乃率僕夜走曾潭候新至手刃其吭支解擲潭中遂

建昌府志

卷四十五

人物傳九

六

自赴獄司李啣之欲置之法直指使林憫象鼎報仇苦志  
釋之自是隱居教授終身不言報仇事

縣志

黃運昌字介五廣昌諸生震子性弦直常蹇蹇面刺人過平  
生悃幅無華歸於愿樸於程山易堂諸子爲金石交年方  
壯值邑亂爲族人執困岳砦砦斗絕距地可千尺羈旬日  
周視得間處卽用其防人以布自縊下數日復縋人上破  
其巢禽王者責而縱之以胆智聞晚年更摧剛爲柔於橫  
逆事則談笑置之終無怨尤以子迪貴貤贈修職佐郎迪  
字履吉康熙歲貢司訓與國士論翕然

師夔字允諧號鳳采南城人明崇禎壬午舉人順治初授奉新教諭遷內邱知縣內邱地曠多盜師夔命夾道築土墻盜騎莫縱行旅安之擢戶部主事理西倉盡革陋規權歸清鈔關額稅外悉除耗羨還之日行李蕭然遷刑部郎中出守嘉興首建鴛湖書院立通濟倉郡有豪右以珍奇賞將圖貨緣師夔潛以上聞竟置如法旋以終養乞歸著有尙書集義孝經詳解縣志

建昌府志

卷四十五

人物傳九

張世經字孟嘗號鑪峯南城人明末貢生順治中教授南康主鹿洞書院訓士有方遷遼陽知縣遼陽為新設邑世經綏緝招徠給貸牛種親行勸墾歸者如市調蓋平擢工部主事晉員外郎致仕著有五經辨行世縣志

張世緯字武仲世經弟明崇禎己卯鄉舉順治初授崇義教諭時地方未靖甫隸任寇猝至士民逃竄世緯多方招徠諸生稍有集者皆鶉衣草履世經資以糗糧給以詩書使不廢業又擇其卓犖者為學長以誘迪之士風丕振崇義縣志

鄧晔字日生南城人七歲時讀詩南山飄風篇自謂如入寒泉荒谷凜不可留徐拙菴稱其孝年十一補弟子員崇禎中選拔第一尋遭變避難山中與臨川傅平叔坐談移時



別去嘆曰委棄何足言但負君獎借多矣嗣長  
縱心古學嘗對劉九一周襟園曰士君子報國各有道  
言者不必毛舉廢索而在振本塞源樹節者亦不必斷  
捐肩所貴艱貞正志是放廢以來固欲別自樹立以報我  
知已也父廷彬沒作援琴三十篇千六百餘言學使者高  
渭師耳是名亟造廬請見欲薦起之是不可時長洲汪份  
佐高幕見是文獨心傾折欲就學弗果迺留書自道其嚮  
徃之誠

學者稱顏仰先生是女婿梅渭字文瀾從是學古文深

建昌府志

卷四十五

人物傳九

八

得其妙所交多名士以拔貢舉北闈鄉試著有樵谷詩縣志  
涂斯皇字宜振號澹菴新城人明諸生後棄舉業偕從子大  
勃結廬孔坊讀書自適延寧都魏禧館于家與合刻史論  
行於世大勃字允恒早餼於庠需次當貢棄去性孝友與  
人退讓不爭而遇事能謀善斷制人不敢欺晚益好讀書  
刪輯函史上下編補史學提要元明二篇并爲註

楊居曾字象賢新城人思庠長子性孝友少與諸弟姪受業  
於從叔思本思本無子兩爲納妾日用皆力爲經營事之  
如父晚乃補弟子員生平尤樂施予急人之困日昃不遑  
至忘寢食一切醫藥棺槨津梁道路往往陰助之而不樂

題其姓字已卯秋以母喪病劇甲申父歿哀毀嘔血數升  
踰月卒弟居梓居吉均以好義稱乙酉民佃較斛操戈敗  
竄居梓門者數十悉爲全活戊子賑饑於梅溪抵中溪見  
閩地避亂男婦數百將歸東作苦無貲爲貸五十金分給  
之有二少女驚爲娼捐百金贖之令歸良居吉負幹才好  
爲人排難時邑血刃當事不許婦女出城居吉進謁以片  
言解之里人德焉

縣志

吳之瑜新城人與次弟之才早歲補邑弟子員明末棲隱山  
中以潛約終其身鄉里多盜瑜集衆爲保聚計嘗捐白金  
五百兩建八龍灘石橋至於出粟賑饑傾廩不惜幼弟伯  
性孝友能文輕財重義嘗出粟數百石賑饑西鄉稱行義

建昌府志

卷四十五

人物傳九

九

者至今感屈指三吳云

縣志

江雁卿字遠公新城人順治六年貢康熙八年由訓導陞知  
徐州約已率民不事刑扑州舊有版荒地四千七百餘頃  
丁糧未除久爲民困爲力請上官奏免之卒于官囊無一

錢州人爲具棺殮

徐州府  
各宦傳

余光令字小令新城人少警敏負奇氣談天下事多慷慨激  
烈母喪哭至嘔血甲申兵燹田廬盡爲他人有獨守父所  
名漢閣不肯去曰吾不忍忘死父也嘗竹杖簪冠行市中  
市人皆笑不顧學於楷園孔正叔又學於謝秋水嘗自稱  
曰學者忠孝而已此處一失舉業非學詞章非學節高談  
性命亦非學二先生皆是之以漁自隱號曰漁郎顧意有

所觸卽悲苦不自禁晚年行益高節益著新城令楊嗣漢  
兩造漢閣謝不見南城宰董隆祚以書幣羅致卒不往終  
老於漢閣

縣志

劉吉字耐菴南豐人幼敏惠有神童目年十一補弟子員益  
藩聞其名召入見屬對敏捷以公輔相期許引見王妃親  
爲總髻賜予甚厚未幾

吉年甚盛卽遁蹟松門寺結

茅屋數椽歌詠以終老所著二愚草行於世而慕陶詩尤  
爲陶太史成所賞

吾廬集近志

惟顯字必達廣昌人順治辛卯土寇竊發鄉人皆逃入山  
若顯九歲獨守父母棺不去賊執欲殺之泣曰死固其所  
乞得一二日負土蓋棺無恨矣寇魁龐甲曰此孝子也命

建昌府志

卷四十五

人物傳九

十

其黨昇棺葬之而攜顯至雩都撫爲已子弗從久之亂定  
乃脫歸壯年商於閩見同郡被難婦女數人捐銀代贖還  
家子文偉字翰斌亦以孝聞兄病疫傳染者衆偉親調湯  
藥月餘不懈兄歿以父遺貲千金讓侄凡周人急濟人難  
事日行不倦嘗與族叔景運倡捐義倉歿後族人懷之爲  
出涕撫兄子成立如其子偉子辰乾隆戊辰進士

俞一經字子常南城人性冷淡寡言咲步趨必謹善屬文試  
諸生四十餘年嘗首列後應貢具牒辭郡守嘉之以次生  
代而命輸百金資之一經笑曰明經雖小就三十年雞肋  
在此豈遽不百金若哉貧固吾分也謝弗受歸山中兩子  
訥訥皆能文亦以布衣終一經著有麟經要旨綱目發明

傅大業字用茲南豐人父邦教教子以義方大業登順治辛丑進士性孝友嗜古積學著有舒嘯園集邑清丈均役諸紳士趨趨不前大業力任之宰太平革陋規白假命平鄭瘋子寇卓有能聲辛亥歲歉捐俸千金按戶賑濟邑人尸祝不置致仕後創家廟設義田日課諸孫讀孫岐嶷岷峻並以才行稱峻合宜山修仁祀名宦別有傳岷岐並貢成均嶷爲諸生有聲蚤世

黃汝榜字可登號簡元南豐人順治丙戌歲貢生授徒十里外暮必歸省母不入內季弟病疫鄰里逃汝榜爲家人所匿不與知旣覺薄暮冒雷雨逐電光踉蹌二十里視之獲

建昌府志

卷四十五

人物傳九

十一

與訣執手嗚咽卒葬之而還竟無恙辛卯教諭臨川僅數月盡以所得俸金贖祭田歸祠先是其祖釗嘗捐俸贖田人以爲祖孫繼美云子熙別有傳高志

白朝宁字羽皇廣昌文學有至性母死勺水不入口者七日闖賊陷京痛哭欲絕曰有老父不能死也其父天球亦諸生泣日子能是吾與子隱遂偕遯深山貧困無以自活爲酒家常自當爐旣授學石城以忠孝勉人每歸省必持被隨父卧起遶膝如嬰兒狀一日爲賊所執見其狀以爲義士欲留之朝宁以老父方憂恐告嗚咽不勝賊爲流淚遣之

石珂字叔寅瀘溪諸生文器第六子後布服山居不求聞達

當事以地方人才薦不就提督劉光弼專制江省欲起為  
郡邑司訓俱固辭強年失偶不再娶曰吾何心及此家多  
藏書兵燹後一邑文獻賴以不墜縣志

揭悃字款男廣昌廩生與兄恂自相師友含今茹古發為光

華詩賦尤超絕督學侯峒會奇賞之恂既歿發難悃撫其

子蘅過於所生及長均產而授之悃兄弟晚年謝客掩關

擁書嘗自題曰勺水可漁稱釣叟一茅枕麓是山農著有

枕麓堂詩補蘿軒文稿町源備紀

涂酉字子山新城人早歲力學於書靡不讀其後絕意進取

浪跡南北所至登覽名勝交其賢士大夫為人峻節傲骨

人罕當意者獨與寧都魏禧兄弟稱莫逆交著有空齋集

建昌府志

卷四十五

人物傳九

禧為序稱其詩幽遠文曲折矜峭云晚倦遊歸郡判黃元

治延入署齋與切磋文事未幾病卒黃哭之慟為經紀喪

事作文數百言以弔之縣志

曾有字字若鴈南豐明諸生母佞佛多所曲從母歿一以儒

家禮董事僱佃人遺私且肆侮家人請治之孚曰天下惟

不難治者不治則吾心自覺有餘耳平生未嘗妄作文字

曰古人著書立說此理已明但當虛心細繹取以自淑足

已

黃作牧字牧之廣昌人性孝友七歲母卒哀慟廢寢食承繼

母歡數十年如一日父孫茂殉難海島作牧聞絕粒數日

泛海奔喪歸時島風迅烈牧抱柩悲號日夜不絕聲撫軍

聞之嘆曰忠臣之後有孝子矣幼弟破產作牧分已產難  
之弟沒撫諸子如已子順治中歲貢爲分宜訓導課士以  
孝友爲本邑人士碑以記之孫鴻瑯秉銓能以孝友世其

家縣志

黃亨會字伯通新城人家奇貧讀書自好晚年弟光會令南  
皮招之不往曰青山紅塵兩不相易不亦善乎光會字叔  
昭遊寧都魏禧門康熙己酉舉於鄉除南皮令以廉能著  
擢鄜州知州後致仕歸亨會常止宿其城西且園兄弟相  
對浩然長吟樂怡怡也年皆八十餘卒

縣志

趙師賓字衍公南豐諸生有異才作文博奧類楊子雲家  
有羣玉樓購書萬卷嘯咏其中誦讀達曙每午夜高樓中

建昌府志

卷四十五

人物傳九

三

孤燈熒熒遠近望見指曰此趙氏讀書燈也著有蔓金苔  
屯書蠹暉邑乘紺珠羣玉樓集子希倣希仍希倣康熙戊  
午副榜庶兄幼弟卒倣皆撫其孤希仍卒倣作鵲鵠哀三

十餘首讀者悲之

縣志近志

陳允衡字伯璣南城人明御史本于弱冠爲諸生以時藝名  
艾千子嘗序其稿後棄舉業以詩遊江淮吳越間窮愁拂  
鬱思慕無聊之心有所觸則發於詩故其音頓挫而極於  
古一時名公卿詞人無不願與允衡游者而於邢孟貞顧  
與治施愚山王阮亭交獨善同邑徐仲光亦亟稱之倦遊  
後構小室於南州蘇公亭畔左右圖史丹黃弗輟雖瓶粟  
時罄而吟嘯自適其論詩以淡約真至爲歸

著有愛琴館集願學集若干卷志

會秉豫字悅生號嚴齋南豐人工詩琴精技擊避亂杏山途

中遇佳山水輒藉草鼓一二操林間盜出櫻其行李去豫

倉卒手一筵連仆之還鼓目若與兄秉乾恰恰友愛奉母

氏譚守節北堂者四十六年母歿兄弟哀毀骨立廬墓蔬

食因講求方書著傷寒輯要行於世程山崇

魏定化字際明瀘溪諸生家貧失恃能承順父志丁世亂浮

家郡城時南瀘界有乘亂為寇者亂定定化絜家歸寇餘

黨猶盤踞貴溪之朗港與土弁相關通焚掠備至定化乃

為議以狀上於邑侯李即龍轉上之巡道李嘉猷發兵征

朗港擒土弁誅之瀘始安枕時順治九年也縣志

建昌府志

卷四十五

人物傳九

十四

吳學炯字星若南城人博覽廣搜潛心古學著有秋雨堂詩

文又選刻本朝百名家詩

饒萬民字育生瀘溪邑庠父魯岑遭土弁之難戕於兵萬民

枕戈待旦蕩產數千金卒得仇手刃之以報其父縣志

魏能容字介臣號洞谷瀘溪人明崇禎庚午領鄉薦以清風

亮節聞於時授徒講學外齒無他及其後隱居食貧三十

年淡然無忮求意邑志

王尊字公獻號彘齋新城人少遊過周謀門著聲譽序明崇

禎己卯舉於鄉順治十八年授滋陽令政尚循良羨利贖

緩一無所入康熙癸卯為山東同考官所取稱得人卒於

官尊生平事親孝養先產悉讓二弟著有詩文集子錫申

貢生任江南布政司經歷安徽藩司駐金陵經歷所司地  
畝蘆課事尤紛繁錫申明號令立科條吏不敢緣爲奸初  
父尊官滋陽稱劇邑不數年循聲大著錫申佐理之功爲  
多云縣志

鄒昌祺字子維日章孫臯子幼失母攀條泣血感路人順治  
甲午舉於鄉耻事干謁有影占其產者弗與爭嫠婦爲虛  
糧累不得已改適竭財賑之乙卯耿逆變焚慘甚賊相  
戒勿毀其垣祀鄉賢近志

楊國魁字元卿新城人賦性淳厚多善行凡建橋修路施粥  
施衣不一而足順治十二年奉文埋瘞暴骨國魁捐貲千  
餘金買棺瘞無主暴骨三百五十有奇又募僧遍查各鄉

建昌府志

卷四十五

人物傳九

五

革之初曠野敗齒纍纍廣昌賴珊亦收葬數百縣志

封濬字禹成南豐人父文舉有隱德艱於嗣以鄰人子爲後  
及濬兄弟生而爲後者貽父憂濬慰解而曲成之父病篤  
祈天請代兄女孤教嫁之如已女少謝約齋五歲事之爲  
師順治甲午貢於雍與黃熙同任邑中清丈手書心計無  
間日夜斲爲之絕勞與謗胥集濬弗辯亦弗自以爲功彭  
躬菴以出位爲戒遂自號曰位齋子峙字雲峙亦克紹其

業縣志

趙師璟字介子南豐人京子也爲人恂恂謹愿終身不形喜  
慍而嗜義若饒渴服治甲午貢於雍豐邑虛糧絕丁莫可



究詰值里長恒破家鬻妻孥死囹圄者累累相隨居里  
請命有司集紳上正直者討其弊源創立彙戶法糧始有  
實數可稽丁始有定名可指開卷了然飛詭弊絕邑人如  
去湯火莫王兩訓導效於官暴露者數十年環塋之又置  
祭田以祀唐縣令游茂洪元州尹裴彥直令長多敬禮之  
卒祀鄉賢子希陸希階陸宇天問待詔翰林階自有傳縣志  
楊日升字東曦號集虛新城人少穎異嗜學順治甲午舉於  
鄉乙未成進士任南康教授捐俸葺學舍修白鹿書院當  
道延掌洞課日與諸生講心性學所甄拔皆知名士擢令  
直隸東明邑經黃水土沮泐不成田日升至諭民開墾給  
芻牧備畚鍤巡視無虛月城圯集紳士議興築令畝輪磚

建昌府志

卷四十五

人物傳九

二不一載而城屹然諸裨益地方事巨細畢興陞中書舍  
人未任卒所著有條議草二卷縣志

楊日鼎字從周日升弟少讀書白鹿洞有聲已由廩生入太  
學遊京師嘗捐金數百兩助育嬰堂南旋遇客舟覆恚解  
囊囊堅不應手解拔佩刀破之揮金呼善水者救人皆得  
全活子揆字儒藻年十三而日鼎亡事寡母鄧盡孝母年  
踰九十揆亦老孺慕不衰能自力學舉於鄉令山東臨邑  
其下口河卽古九河徒駭揆下車會河決亟請發賑既又  
請治河疏濬隄防悉中理蝗害稼親督捕無遺孫尙鉉舉

人候選內閣中書縣志

書小秦失其名南城人少習制舉業連試有司不得志棄去

學兵法明季天下方亂結諸俠少從戎復不遇棄家走出  
西順治甲午魁晉闈武試戊戌成進士御史張曲出雅重  
之因館其家與貴溪鄭日奎友善庚子授建昌中軍日奎  
笑謂曰昔相如持節返臨邛買臣捧章歸會稽大丈夫不  
當如是乎抵任二年盪寇山澤間功屢上積勞卒生平懷  
奇負氣重友誼敦然諾每談古今治亂及海內形勝邊關  
扼塞兵勢強弱虛實之數戰守攻取之畧抵掌若無人喜  
爲詩既卒日奎序其遺集行於世鄭靜菴集

趙由抔字中原南城諸生性敏好讀書不屑屑舉子業居母  
喪蔬粥毀瘠一遵古禮尤慷慨好義初邑中受王商質債  
害由抔爲陳情錄借諸生上大吏下令逐商商以千金賄

建昌府志

卷四十五

人物傳九

由抔不屑也商斂戢去邑人德之

余彥章字兆開南城人順治間貢生任金谿訓導見士必訓  
以躬行士竇而贊者卻之尤留心民瘼凡地方利病力陳  
於郡邑婉言以冀其從而於已無所利康熙三年裁缺去  
士民數百送郊外焚香載道復置王入陸象山祠以歲佐  
食湯來賀鄧吳並爲文紀其事今附祀崇正書院金谿志  
內省齋

集

近志跋云按選舉表彥章以順治十三年貢湯來賀鄧  
吳集並載彥章康熙三年罷職金谿志作萬歷間任謀  
畫字廣字致葵南城人性簡交築樓東江澣顏曰洗雲惟鄧  
吳日相過從與之析疑講義吳自謂所學得之於字廣爲

多後舉順治丁酉鄉試爲台孝廉

魏宗衡字平仲號台佐廣昌人父人彭力學敦行教二子宗衡宗衍嚴而有法宗衡年十三補弟子員饒於庠試輒高等順治丁酉舉鄉試辛丑成進士筮仕臨淮邑地瘠民貧多逃戶宗衡至設法招集之均徭役革火耗水旱偶災禱輒應衛官某與宗衡素牴牾後被劾爲寬其械繫歲時伏臘仍置酒令與家人相聚衛官終身媿服魏繁昌序  
謝熙字備績廣昌人順治丁酉登賢書性慷慨任俠喜談古今忠孝事康熙乙卯官兵已恢復建郡而廣昌尙爲賊所踞熙與同年生黃理先後詣郡請兵熙過南豐陷圍城中爲賊所得不屈死理爲逆帥購急匿山中憂憤成疾亦死

建昌府志

卷四十五

人物傳九

六

理字瑩茲篤學勵行與二兄璠璵相師友並有才名縣志

孔之儁字士升新城人明崇禎丙子鄉舉順治己亥廣寧寇突至之儁隨衆登須眉砦時一切未備寇且泊砦下翼日攻砦北隅民跳砦城私竄遭殺擄無算之儁鳴鼓集衆諭以死守得生之理衆唯命寇重攻衆從高下石寇受傷求和請犒之儁佯許之以待官救未幾寇索餉愆而官救不至其伯兄之化居別砦以奇兵二百直入砦迎之儁衆洶懼之儁拱手辭曰予寧死是砦不忍獨全性命棄千餘人性命也衆志乃定卒保全無患康熙十一年授陝西咸陽知縣

涂景祥字萬年號介菴新城人順治十五年進士授廣寧推

官時平藩兵丁怙勢殺人景祚立往擒之治以法安黜公  
平藩世子也一日文武公集

朝賀世子單騎馳復道景祚語香山令姚啟聖曳之下世子  
失色謝過潮州總兵蘇利據城畔調兵征勦持數月不下  
適景祚查海道經潮單騎入蘇營論以恩意且陳說利害  
兵遂解景祚性耿介膽識過人官粵六載藩鎮歛迹兵民  
安堵未幾以裁缺歸

縣志

黃熙字維緝號傲園南豐人自爲童子至成名小大試莫不  
中尺度未嘗有棄之者順治戊戌第進士癸卯當謁選以  
養陳情得先執贄約齋爲弟子佩師訓尺寸不逾旦夕書  
課朔望相質訂篤信固執日進於道而愀然自以爲不足

建昌府志

卷四十五

人物傳九

九

事親孝宛然嬰孺子居母喪方避亂山居一夜火發延燒  
數百家熙伏母棺號慟欲與俱燼火竟滅邑行清文衆推  
熙及封濬王其事事竣人莫敢干以私亦不忍以私欺之  
熙於詩古文不多作作則深醇渾穆望而知爲有德之言  
而不入於腐約齋卒熙心喪未期亦卒年六十有二同學  
私謚曰純孝子國望國垂簡其日錄分爲事親守身論學  
各一卷并所爲詩文及禱錄若干卷統曰傲園遺稿國望  
字遠之能世其學亦及程山門

一統志

甘京字捷齋南豐人初爲諸生後棄舉業與謝約齋講學折  
節稱弟子時邑荒且苦寇京出力免荒稅均賦役賑饑畫  
議平砦寇皆得行其志京文原本經術著述甚富行世者

輔國初稿軸園不焚詩家禮酌宜祀鄉賢門人與士  
尹尹字箴臣以責善著錫字汝成與黃國望封嶧彭厚  
李其聰謝德贄皆後起之秀  
極稱之京子表與易

堂諸人善有用世才而高尚不事

省志

曰都字美公南豐人既餼於庠忽棄去揭學田百畝還諸  
族躬腐豆釀酒以自給受業程山其學務實體諸已因目  
體齋手書經史語錄人文行誼闢風化者為有用錄百  
餘卷

封俊字炳漢禹成族子九歲為閩羅總掠至撫州丙戌正月  
王得仁兵破閩總俊復歸得仁所統王參將以為子至南  
昌延師訓之參將出鎮廣信寄俊廣信籍為諸生取婦生

建昌府志

卷四十五

人物傳九

三

一子俄參將罷以俊歸河南戊戌冬十月俊夢人告之父  
死心動即日棄妻子南還道遠資用乏已亥五月乃抵家  
父果以冬死家貧無以為生然俊竟留守塚獨居不忍去  
訓童子自給終其身

李其聰字作謀南豐人芸林子幼慧端重寡言笑不事舉子  
業從程山學濂溪之學著史論淋漓懇到任邦模由明經  
任南康訓導三載清冑籍宥株連捐俸濟貧士民德之

盧夔龍字雲翼瀘溪人順治十六年歲貢生任龍泉司訓時  
喪亂初定宮墻頽敗士民散落與邑令多方招集還本業  
攝萬安督學邵崇遠查兩學不與試者數十人謂其阻賊  
欲褫之夔龍力為辯曰邵報可數十人得無褫後陞松江

府經歷攝篆有政聲年八十致仕又數年卒

縣志

潘琦字二韓南城人由例貢官高州通判初莅郡時信宜屬吏激民變圍城旬餘不解琦與戎鎮某挺身入壘宣示大義擒其渠魁戮之餘不問鄉城多所保全屢攝縣篆興文教絕苞苴案無留牘邑人及今頌之

縣志

梁份字質人南豐人少以家人逋稅繫獄者九年友人曾若武為饋食得不死既出跡弛不為人所禮獨謝進見而奇之取以女已而學於邵先士

為文

章得易堂秘會尚氣節有經濟才終身不樂仕進而名動公卿者五十年皆倒屣迎唯恐後明末進嘗從安恪王舉兵以軍法殺人康熙乙卯其子從耿逆為賊遇進樂安殺

建昌府志

卷四十五

人物傳九

三

之份聞變即奮往殺盜剗其心肝祭畢而後殮進六十後遊西北邊得其要領著西陲今畧議攻戰守成敗如指掌又著帝陵圖所刻行者唯懷葛堂集年九十卒若武有孝友行

省志

黃采字亮工南城人孩提時祖訓以小學格言及聖賢姓名忻然聽受稍長言動不苟師事程山篤志力行事父母醇孝祖父年八十餘承歡不懈繼母周有狂疾尤委曲以事常於賓客前唾罵輒長跪負罪三十餘年如一日及卒采年邁仍哀痛盡禮與弟暉及同邑趙中原以學道相勸勉中原歿采為之撫其孤年八十四卒學者稱復堂先生著

有性圖願學外學彙編會語詩文集居家以小學家禮

倡引後進朔望偕弟子習禮復堂出課程共相質証而與  
秉乾陶成及采子湘並能傳其所學志省

汪瑤字荀鑑南豐人父沛有隱德瑤生而卓犖十歲能文爲  
諸生試輒冠其曹試文傳誦者衆生徒受業者多顧自執  
經邵宏齋門下稱弟子益奮發刻厲思立言以自見自道  
德性命以逮文章政事學術之同異古今治亂得失之原  
反覆貫穿務洞達其所以以適於用瑤性狷介不爲虛聲  
動然公事憤發毅然有爲有椽欲祀其祖父鄉賢祠臺牒  
已下瑤具陳其不可狀卒得罷乾隆元年贈文林郎所著

涂大雋字不疑新城人世延子長於詩並工書法與族叔伯  
昌楊思本劉肆夏各矢志以古人自期補諸生屢困棘闈  
遂棄舉子業嘗訪左邱明世本司馬遷年表作世系晚序  
當貢謝絕不就當事以學行優長欲薦之邵不應畢妻子  
隱下田渡山莊與子弟銜觴賦詩以寄其志終身不入城

市年七十餘卒  
志

建昌府志

卷四十五

人物傳九

三